



周口市诗词学会

辛丑上巳邓城民俗文化园曲水流觞雅集作品并序

辛丑岁三月初三日，周口数县骚客相聚于商水县邓城古镇沙河之滨，共襄曲水流觞之雅举，以仿古人之遗意。

河之阴有村焉，曰东韩。村之南有小园，乃画家张一先生匠心经营。斯园虽小，余恰喜其灵巧；是地虽僻，余却悦其幽静。园有轩阁，酒坊，卉苑，花田，各得其韵致。沿小径向北，乃桃花林。林有浣花池，绿水曲绕挹韵亭下：诚余觅寻数年而未得雅集之所也。

觞咏活动由瘦丁总其事，都烨指导，公推海涛主持之，梅影为裁定官。诸君拈位列坐于曲水之次，琴师缓奏《高山流水》《阳春白雪》之曲，礼仪嘉宾慢斟村酒于觞杯，置于清流之上，任其自然漂流。时，熏风吹拂桃英，落红飘飘；笑语荡漾水汴，喧哗阵阵。觞杯漂流者三：首巡饮者四人，次六人，再次亦六人。一觞一咏。诗成，则有朗诵嘉宾倾情朗诵之。

午宴设于园东南隅之村膳房。午后，立峰君陪引余等游览许村古树、叶氏庄园及沙河七彩油菜花田，归来则已日之夕矣。

自东晋以来，曲水流觞乃骚坛之乐事。或问：“此有何乐？”余对曰：“世人有三愁：一为功名所累，一为财帛所困，一为世网所缚。有此三愁，焉得开颜？当此际，承古人之风流，得今人之趣味，临流把酒，倚亭敲韵，诸般烦恼，尽皆忘怀，人焉能不乐？”噫！未知阅者诸君，与余有同感否？

邓城雅集得诗三十六首，兹以年庚为序，将诸君之作恭录于后，以与览者共相赏析。

三溪书屋主人瘦丁不揣浅陋为之序。

●周明扬（扶沟）

邓城民俗文化园曲水流觞得句

一

三月风光别样新，吟诗得趣小园林。
飞花落地景难褪，一首华章一片春。

二

丽句佳章尽兴吟，小桥流水共诗心。
汇成蛇紫嫣红景，半入江山半入云。

●都烨（周口）

辛丑上巳即兴

最是多情三月三，莺飞草长艳阳天。
瘦翁挹韵亭名上，诗友谱歌渠岸前。
曲水流觞飘酒气，琴音助兴醉丝弦。
几分忐忑杯临我，鹿撞心头展彩笺。

上巳怀古

酒觞千载今流我，香气依然文脉深。
书圣古亭留翰墨，管弦水畔奏佳音。
诗家竞巧斗词藻，画匠涵虚勾岭岑。
惭愧笨拙思路短，半脱袍带自加斟。

上巳日曲水流觞于邓城许村

旷放汉家子，多情澌地春。
酒觞溪水碧，琴韵好诗淳。
骚客风流事，丹青儒雅人。
宴歌何惧醉，红日正氤氲。

●少古（周口）

阳城雅集得句

池临挹韵亭，袅袅古筝鸣。
曲水流觞意，吟诗酬友情。
落花杯里荡，燕语树间萦。
但获林泉趣，不争今古名。

●瘦丁（周口）

邓城雅集纪事

三月芳园好，幽藏古镇东。
胭红浓淡里，鸭绿浅深中。
酒盏浮春水，琴声袅碧空。
逃离尘网外，真趣赋无穷。

●李建华（项城）

邓城曲水流觞诗会即兴

酒罢吟来脸绽春，蜂飞蝶舞意深深。
娇莺更是知人意，枝上频频啭好音。

邓城民俗文化园采风

酒香十里染新衣，风吻芳林花弄姿。
漫步赏观如梦里，一园画景一园诗。

邓城民俗文化园曲水流觞得句

花开春暖日，寻梦赏奇观。
曲水藏幽意，芳亭映碧天。
香飘平野外，笑荡小溪边。
雅韵琴声绕，依依忘却还。

●雪川（周口）

民俗园拾趣

暮春三月三，曲水唱缠绵。
挹韵流云驻，推声妙语连。
词工当酒后，梦醒在花前。
莫叹红颜老，长歌似少年。

●闫芥子（项城）

邓城曲水流觞即席

朗朗高吟水畔英，恰如当日会兰亭。
千古风流今又续，春风入座为旁听。

邓城雅集即事

上巳春和景倍明，海棠花里奏瑶筝。
一觞端起长鲸吸，四句飞传挹韵亭。

邓城东韩村雅集

正是东风软且娇，名花珍酒佐诗豪。
阳春白雪筝声袅，曲水流觞桃瓣漂。
初稿一吟师赞叹，小杯三劝我醺醺。
试观河岸金涛起，不及群贤兴致高。

●张同庆（扶沟）

邓城曲水流觞诗会狂吟

终遇高山友，欢倾三百杯。
卿言光武秀，我赞子期徊。
袅袅闻仙气，悠悠坐玉台。
流觞舒雅兴，无意煮青梅。

●梅影（商水）

辛丑上巳曲水流觞即席得句

林泉雅客至，影倩浣花溪。
桃靥争先占，莺歌已早啼。
醇香弥左右，舞燕试高低。
曲水波流韵，春风挤入醺。

挹韵亭杂咏

君问春天何日期，小园花瓣溢香池。
林泉凝韵三巡举，人醉流觞曲水时。

如意轩

四季可登阶，芸窗傍水斋，
投桃知典礼，留此作芳楷。
墨指乾坤向，君呈厚德怀。
青天如意在，自有好安排。

●露白（沈丘）

上巳邓城雅集得句

一

一觞当一咏，不异会稽山。
试问红尘客，谁人似我闲。

二

霏霏烟生树，茈茈绿满川。
诗人高咏处，莺啭燕飞天。

●单立峰（商水）

雅集赋兴

三月初三修禊辰，群贤雅集聚溪滨。
飞花满径芳园好，曲水流觞挹韵文。

●御风（商水）

曲水流觞寄意

上巳小园来，流觞曲水开。
春风吹已暖，诗意泛成灾。
醉借坊间酒，眠凭得趣台。
纵然天子唤，不践陞前埃。

记曲水流觞

神往古贤上巳节，醉写兰亭千金帖。
在乎山水在乎诗，不问人间冷与热。
听闻邓城文化园，有亭有水多安然。
趁着春色仍尚好，临风置酒抚管弦。
一弯碧水亭下曲，微暖春阳身心浴。
水香花香衬酒香，风流第一骚客局。
临流置下白玉盏，碧水托起软款款。
疑似仙子御清风，太虚飞来未嫌远。
觞杯漂动牵人眸，笑指谁家面前留。
此时何必再客气，豪饮一觞醉千秋。
饮者亭下泼毫墨，做尽人间风流客。
豪放婉约各擅场，文思如泉谁能测？
一巡二巡再三巡，不曾推辞多天真。
今日只须刘郎醉，得趣亭前离红尘。
春情身外依旧涨，诗人无意作罢唱。

明年三月三日中，此园还约曲水上。
曲水酒香仍怡人，春风轻扬微带醺。
三百人生若如此，长愿醉罢忘贵贫。

●张一（商水）

上巳偶兴

三月桃英正吐芳，欣逢骚客话流觞。
小园拾掇丰盈韵，曲水弯弯绕画廊。

●雷海涛（商水）

上巳节曲水流觞

麦苗葱绿菜花黄，民俗小园飘酒香。
亭下诗家临水坐，沐春把盏著华章。

●香雪（周口）

邓城雅集诗会有感

袂褰净春愁，清泉醉绿畴。
芳林寻古趣，曲水谱新讴。
诗种千行韵，词描万里洲。
聊谈难尽兴，把酒展歌喉。

七绝

曲水流觞傍小亭，重寻古韵意娉婷。
群贤莫把金樽放，醉借三春赋性灵。

●葛永红（扶沟）

邓城曲水流觞雅集得句

三月邓城新景光，喜邀骚客共流觞。
诗潮恰似沙河水，涌起波涛万里长。

●田雨（项城）

邓城曲水流觞赋景

雅士端庄坐，春英次第开。
置觞流水走，品酒赋诗来。
琴抚桃花雨，官裁子美才。
和风祥瑞送，紫气绕亭台。

邓城曲水流觞有吟

风送觞杯到眼前，潺潺溪水映桃颜。
更闻琴奏高山曲，助引诗情到雅园。

●陈慧冰（扶沟）

邓城怀古

寻常草树边，邓艾旧屯田。
怀古幽香里，流觞曲水间。
遥思濠上客，驰慕酒中仙。
青袖翻箏语，邀杯共忘年。

●阿丘（淮阳）

曲水流觞雅集有感

一

园区雅致饰淑姿，四月清风绿柳枝。
若水凡心何处觅？春光好景最当时。

二

桃花曲水忆流觞，树下吟诗品蜜浆。
可笑春风还有意，难得可贵醉芬芳。

三川絮语（四首）

■正钱

关帝庙

山陕商人倾解囊，三川汇处筑庙堂。
赤诚耿耿祭关公，忠勇仁义德宏扬。
石雕砖刻铁旗杆，件件幅幅寓深长。
华夏大地晋三甲，叙说以往曾辉煌。

太昊陵古庙会

二月春暖拜圣贤，庙会延续千百年。
信众摩肩接踵至，动辄每天愈百万。
泥狗精巧展民俗，经挑杂耍争表演。
发扬光大顺民意，修缮一新看变迁。

袁氏故居

曾经显赫震中外，近代名人袁世凯。
八十三天皇帝梦，举国讨伐轰下台。
昔为灯红酒绿地，达官贵胄鱼贯来。
今而晨雀暮鸦啼，故宅幽幽演兴衰。

中原民俗园

石滚石磨石碾盘，锄头镢头犁耙铲。
浓缩中华农耕史，记录上下五千年。
感恩将军贺恒德，英雄故里作奉献。
未耒粹粹忆乡愁，郸城有座民俗园。